



**Historia Pelagiana Et Dissertatio De Synodo V.  
Œcumenica In Qua Origenis ac Theodori Mopsuesteni  
Pelagiani erroris Auctorum justa damnatio exponitur, &  
Aquilejense Schisma describitur**

**Noris, Enrico**

**Patavii, 1708**

Cap. 8. Pelagius in Synodo Diospolitaná subdolè absolutionem suffuratus  
in Hiernoymum scriptis, atque injuriis debacchatur.

---

[urn:nbn:de:hbz:466:1-72486](#)

scripsisse, recitatis ad verbum pluribus ejusdem Epistole versibus; sit mentio ibidem encanctorum, quæ quot annis Hierosolymæ celebrabantur, nihil in eadem apologiâ traditur de Synodo Diospolitanâ exente postea anno coactâ, quæ cuncta, aliave, si attenti considerata fuissent, Orosii apologia haud in dubium venisset, etiam si de hoc Pelagii examine Sanctus Augustinus siluisse.

Jansenius hallucinatus est, existimans hunc confessum, de quo Orosius scribit, esse Synodum Diospoli habitam, cuius gesta cum ex Sancto Augustino habeamus, atque Orosium ibi minimè adfuisse Sanctus Doctor testetur, fieri nequit, inquit Auctor ille, vera esse, quæ de se Orosius in memoratâ Apologiâ narrat. Verum Orosius scribit, se in confessu coram Joanne fuisse Hierosolymæ, non Diospoli: *Latebam ergo, ait, in Bethlehem traditus à Patre Augustino, ut timorem Domini discerem sedens ad pedes Hieronymi, inde Jerusalēm vobis accessentibus vocatus adveni, dein in conventu vestro una vobiscum Joanne Episcopo præcipiente consedi.* Hujus verò primi examinatis, quod Pelagius hoc anno coram Joanne Hierosolymitano subiit, præter Orosium testis est Augustinus Libro de Gestis Pelagii cap. 14. 15. 16. 17. & 30. Quæ legens Jansenius putavit, intelligenda esse de Synodo coactâ Diospoli, quæ ab hinc quinque mensibus, nempe ad finem anni habita est. Audiatur Augustinus cap. 14. *Etiam hoc usus est testimonio Sanctus Joannes Hierosolymitane Antistes Ecclesie, sicut interrogatus, quæ apud illum ante judicium Dioopolitanum gesta fuerant, Coepiscopis nostris, qui simul in illo iudicio presidebant, ipse narravit.* Item: *Ait enim, tunc quiescādam susurrantibus, & dicentibus, quod finē Dei gratiâ diceret Pelagius, posse hominem perfici, idest, quod superius dixerat, esse posse hominem finē peccato, culpam, inquit, super hoc etiam intuli, quia & Apostolus multū laborans sed non secundū suam virtutem, sed secundū Dei gratiam dixit &c. & cap. 15. Hec narravit Episcopus Joannes audiente Pelagio, qui posset honorifice dicere, fallitus sanctitas tua, non bene meministi &c.* Vides a Joanne gesta nonnulla fuisse antè judicium Palestinum? Quod autem hæc paulò antè Synodum peracta sint, audi eundem cap. 17. Sed si forte, loquitur de Pelagio, illud jam dudum à Sancto Joanne narratum cogitate, vel meminisse non potuit, recentissimam suam responditionem recipere, & quæ paulò antè de Cœlestio sibi objecta anathematizaverit, adverteret. Joannem verò amarulento fuisse in Orosium animo, patet ex iis, quæ de ipsomet absente idem retulit postea Diospoli in Synodo. Eundem etiam ab interprete deceptum tradit idem Augustinus cap. 16. hæc scribens: *Nam quidquid dixit Joannes Episcopus de absentibus Fratribus nostris, sive Coepiscopis Erote, & Lazaro, sive de Presbytero Oroso, sive de aliis, quorum ibi non sunt nomina expressa nempe Avito, Passero, ac Domino ex duce, credo quod intelligat ad eorum præjudicium non valere; Si enim præsentes essent, posset eum fortasse, absit ut dicam, convincere de mendacio, sed forte commemorare, quod forte fuisset oblitus, aut in quo eum fellerit latinus interpres.* Quibus aperit confirmantur, quæ de Joanne in apologiâ Orosius narrat.

Ceterum huic apologiæ nonnulla absuta leguntur desumpta ex libro Augustiniano de Naturâ, & Gratiâ, adèque imperitè, ut hæc inibi scribantur: *In libris, quos ad Marcellinum scripti, sicut potui, explicare curavi.* Cùm Marcellinus occisus fuerit, antequam Orosius in Africam appelleret, & Augustinus librum de Naturâ, & Gratiâ elucubraverit

projecto paulò ante in Palæstinam Orosio, ut ex Epist. 102. ad Evodium patet. Quarè si Orosianæ apologiæ infarta eximantur, integrum suo auctori opus adscribetur. Legatur Vossius lib. 1. Hist. Pelag. cap. 6. ubi capita designat, quæ librariorum via in memoratam apologiam irreperunt. Hic liber vulgo inscribitur apologia de libertate arbitrii, cùm tamen ibidem Orosius se potius, ac divinam gratiam defendat contrâ Pelagium, qui pro libertate arbitrii suprà gratiam erigendâ decertabat. Et quidem alium titulum ab Orosio in apologetico inscriptum facile suspicor, sed de hoc alii judicent.

## C A P U T VIII.

*Pelagius in Synodo Dioopolitanâ subdolè absolu-*  
*nem suffiratus in Hieronymum scriptis,*  
*atque injuriis debaccatur.*

Interea Eros, ac Lazarus Episcopi Gallicani suis ab Ecclesiis pulsi, cùm Apostolica Sedes utriusque depositionem ratam haberet, in Orientem transfretarant, ut illius regionis Antifitum suffragia corrogarent; ubi verò in Palæstinam venientes Pelagi conatus intellexere, de Orthodoxâ pietate, ac religione solliciti libellum contrâ eundem hæreticum, ejusque socium Cœlestium Eulogio Cœlarensi Palæstinorum Primi dederunt, à quo Synodus etiam indicta fuit Liddæ, quæ id temporis Diospolis dicebatur. Quatuordecim illuc Episcopi convenere, quorum nomina exhibet Augustinus lib. 1. contrâ Jul. cap. 5, nempe Eulogius Synodi Praeses, Joannes Hierosolymitanus, Ammonianus, Porphyrius, Eutoniuss, Porphyrius, Fidus, Zosimus, Zoboenus, Niphidius, Cromatius, Jovinus, Eleutherius, & Clematius. Accitus est ad Synodum Pelagius, Eros verò, ac Lazarus propter unius ægritudinem non interfuerunt, absuit etiam Orosius, qui iter in Africam parabat. Errores unus & triginta Pelagio à Patribus ex accusatorum libello objecti sunt, quos fuisus recitat Augustinus in libro de gestis Pelagi. Cum verò nullus ex adverso accusator instaret, facili negotio Hæreticus Synodo imposuit, nam cùm ejusdem liber latino sermone contextus per interpretem Græcis judicibus exponeretur, & ipse Pelagius Græcè interloqueretur, ejusdem hæreles quibusdam ab ipso verborum circumlocutionibus vestitus non adeò deformes Patribus visa sunt, ut Pelagius publico anathemati subjiciendus judicaretur. Subdolas illius artes paucis perstringit Innocentius Papa in Epistolâ ad Africanos, quæ 96. est apud Augustinum. *Objecta, inquit, partim ille vitando suppressit, partim multa inse verba retorquendo tota obscuritate confudit, aliqua magis falsis argumentis, quam verâ ratione, ut ad tempus poterat riederi, purgavit negando, alia falsâ interpretatione vertendo.* Tantò enim, ut ait Augustinus, judices secesserunt occultius, quantò exposuit illa versutiis; Damnavit enim Pelagius dicentes, Adam sibi soli, & non generi humano suo peccato nocuisse, at versipellis vulpecula cæteris Adamum obfuisse non transfusione, sed exemplo delicti sentiebat. Item illos rejecit, qui dicentes, infantes in eo statu esse, in quo fuerat Adam antè peccatum, quod ille præcepti capax fuerit, isti non sint, non verò, quod dicentes, infantes esse innocentes, sicut fuit Adam ante peccatum. Hæc posuimus ex Augustino lib. 1. contrâ Jul. caq. 5. ut unam, vel alteram Pelagianæ versutiæ lineam monstraremus.

# Historia Pelagianæ.

Ille quidem hac nobili fidei Catholicæ professione iudices sibi faventes reddidit: Iterum dico, quia haec, & secundum ipsorum testimonium, non sunt mea, pro quibus, ut dixi, satisfactionem non debo. Quæ vero mea esse confessus sum, haec recta esse affirmo; Quæ autem dixi, non esse mea, secundum judicium Sanctæ Ecclesiæ reprobato, anathema dicens omni contravenienti, & contradicenti Sanctæ Ecclesiæ Catholicæ doctrinis; Ego enim in unius substantia Trinitatem credo, & omnia secundum doctrinam Sanctæ Catholicæ Ecclesiæ, si quis verò alia ab hac sapit, anathema sit. Quâ sanè recti dogmatis potestate, ut Synodo videbatur, apertissimâ hanc absolutionem dolosè ab eâdem impetravit: Nunc quoniam satisfactum est nobis prosecutionibus presentis Pelagi Monachi, qui quidem prius doctrinis consentit, contraria vero Ecclesiæ fidei reprobant, & anathematizant, communionis Ecclesiastice cum esse, & Catholicæ confitemur. Apud Aug. Lib. de Gestis Pel. cap. 19. & 20. Satis nervosè in hasce Pelagi præstigias, quibus illusit Palæstinis Episcopis, invenitur Augustinus Lib. de Pecc. orig. cap. 16. Quando tibi, inquit, illa damnanda objiciebantur, non ea Catholicæ Episcopi sic intelligebant, ideo cùm illa damnare, Catholicum te esse credebat. Propriè ergo, quod te illi sapere existimabant, absolvendum fuit, quod vero tu sapiebas, damnandum fuit. Non ergo tu absolutus es, qui damnanda tenuisti, sed illud absolutum est, quod tenere debuisti. Ut autem tu absolutus putareris, creditus es sentire laudanda, cùm te iudices non intellegent, occultare damnanda. Et sane adeò ambiguis verbis, subdolis sententiis, & aptis in speciem verborum restrictionibus usus est Pelagius, ut Augustinus illius Synodi gesta recensens, dixerit: Quod & nobis nempè decipi, forsitan contigisset, si cùm eis in illo iudicio sedissemus. Illud autem in hac Synodo, quod summæ Augustino gloria vertitur, notandum venit, unius Sancti Patris Epistolam ad Hilarium iterum Pelagio objectam fuisse, quod ipse Sanctus Doctor his verbis testatum reliquit Lib. de Pecc. orig. cap. 10. Synodus dixit: Quoniam Sanctus Augustinus Episcopus adversus discipulos ejus in Siciliâ respondit Hilario ad subjecta capita scribens librum, in quo continentur: Posse hominem sine peccato esse, si velit &c. Ita Augustinus, licet longè in Africâ tam procul à Palæstinâ constitutus, Pelagium scriptis perlequebat, Sanctorum Patrum Conciliis arma in hereticos procudebat, & absens gravissimum difficultatum Judec sententiam dabit, cùm ad ejus doctrinæ amissum Pelagianorum sententia exigetur; Non Epistolam ad Ctesiphontem, non Hieronymianos Dialogos Patres heretico objecerunt, sed unam Augustini Epistolam, ut evidens sit, in Pelagianâ causâ plus uni Augustino, quam cæteris Patribus tribuendum, de quâ re alibi ex professo sermo redibit. At Pelagius, quod objectæ Augustini ad Hilarium Epistolæ vim declinaret, literas ab Augustino ad se datas, quarum exemplum supra datum est, protrulit, ut ex earumdem commercio, & se pluris Augustinum facere, seque vicissim plurimi fieri ab Augustino persuaderet, acervum etiam aliarum Epistarum, quas à pluribus Episcopis accepere, in fidei sua testimonium legendas exhibuit. Quid enim ei profunt, inquit Augustinus, tantæ ejus laudes in Epistolis Episcoporum, quas pro se commemorandas, vel etiam legendas, vel etiam allegandas putavit? Lib. de Gestis Pel. cap. 25. Cæterum tantum abest, ut in hac Synodo absolutus fuerit Pelagius, ut potius suo senet ore damnari, quod frequenter Pelagianis exprobat Augustinus, imò inter reliquos Patres, quorum testi-

monii Pelagianorum dogma consutat, quatuordecim illos Diöspoli congregatos recentet, eosque nominat lib. 1. contrà Jul. cap. 5. & 7. Ac per hoc, inquiens cap. 5. Orientales vos iudices damnent, à quibus Pelagius damnari timens, eos, qui sentiunt ista, damnavit, eum eis, quos damnavit, profecto damnandus, quia id, quod negavit ore, corde servavit.

Hieronymus in Epistola 24. inter Augustinianas scribit, Annianum quendam Diaconum in hoc Concilio Pelagi partes acerrime propugnasse, quinam verò ille fuerit, inter Scriptores non convenit, nos plura de illo dicimus cap. 17. Hunc quidem exitum habuit Synodus Diöspolitana, in quâ Pelagius Patribus fucum fecit; undè Hieronymus in laudata Epistola miserabilem Synodus eandem appellavit. At Augustinus passim Episcopos illos excusat, audiatur cap. 21. de Gestis Pelagi: Neque hoc dicens iudicium arguo vel negligentiam, vel convenientiam, vel, quod ab eis longè abhorre certissimum est, impiorum dogmatum conscientiam, sed eorum iudicio pro merito approbato, atque laudato, Pelagius tamen apud eos, quibus amplius, certiusque notus est, non mibi videtur esse purgatus. Plura etiam de his habet lib. 1. contrà Jul. cap. 5. Sanctus Prosper initio Poematis contrà Ingratos hæc de laudata Synodo canit:

non segnior inde Orientis  
Rectorum cura emicuit: capiunque nefandi  
Dogmatis auctorem constrinxit lige benigna  
Commentum damnare suum, nisi Corpore Christi  
Abungi, & sancto mallet grege dissociari.  
Iene quidem hoc, utrumque malos tolerasse videtur  
Iudicium: Sed sancta fides examine in illo  
Vicit oborturam diro de semine prolem.  
Prospectum namque est, divino & munere cautum,  
Ut licet instantem declinans bestia penam,  
Perfidie secum sensus tenuisset eosdem,  
Ipsa tamen proprium germe damnando necaret,  
Ore malam extinguens sobolem, quan protulit ore.

Meminit hujus Synodi Photius Cod. LIV. Erravit vero Sethus Calvisius, scribens in suâ chronologiâ ad annum 415. Pelagium in hac Synodo hæreses convictum, ac penitidine ductum eandem ejusfæ, atque ad Catholicorum partes accessisse etenim Hæresiarcha id, quod negavit ore, corde servavit; nam quod verbi ejus anathematizatur, in literis ejus inscribitur. Verba sunt Augustini in laudato libro contra Julian.

Hanc Synodus exente hoc anno celebratam fuisse ex Luciani Presbyteri Epistola de Inventione Corporis Sancti Stephani aperte constat. Scribit enim seriâ sextâ, Tertio Nonas Decembris consulatu Honori XI. Theodosii VI. Augg. sibi per somnum Protomartyris reliquias revelatas, iterumque seriâ sextâ sequenti id sibi contigisse. Quod cùm in tertia septimanâ eadem die, & horâ accidisset, Hierosolymam se contulit rem Joanni Episcopo manifestatus, à quo sepulchri locum querere jussus fuit, quod cùm inventisset, statim, inquit, renunciavi Episcopo, cùm esset in Liddâ, quæ est Diöspolis, Synodus agens, qui assumpit secum duos alios Episcopos Eleutherium de Sebastie, & Eleutherium de Jericho, à quibus VII. Kal. Januarias Sacre Stephani exuviae summa cum pompa alio translatæ sunt. Ex his colligitur, Synodus memoratam celebratam fuisse intrâ decimam octavam diem, & vigesimam quintam Decembris. Quod vero duo Eleutherii à Luciano memorantur, & unus tantum Eleutherius nominetur inter Synodi Patres ab Augustino, & alter ab eodem Eutonius dicitur, alterutri codici errorem irrepsisse certum est.

Orosius

Orosius id temporis redditum in Africam ad Augustinum adornabat, quā occasione Avitus, qui Hierosolymae contrā Pelagium Orosio favorem præstiterat, per hunc ipsum ejusdem Sancti Martyris reliquiarum fragmenta ad Episcopum Bracarensem misit, ut ex ejusdem Aviti Epistolā patet, quam Baronius suis Annalibus inseruit. Mirum autem dictu, quanto moerore perculsi sint Eros, & Lazarus, qui inanem operam se posuisse cognoscerent, Pelagio per dolum absoltū. Sed animū minime despondentes literas per eundem Orosium ad Africanos Episcopos misere, quos Palæstinæ Synodi gesta perdocebant.

*Anno 416.* Interē Anno 416. Pelagiū datis ad amicos literis approbatam suam ipsius sententiam ab Episcopis Dioſpoli gloriabatur: *Quatuordecim*, inquit, *Episcoporum sententiā definitio nostra comprobata est*, quā diximus, posse hominem sine peccato esse, & Dei mandata facilē custodire, si velit. Quia sententia contradictionis os confusione perfudit, & omnium in malum conspirantem societatem ab invicem separavit. Apud August. cap. 30. de Gestis Pel. Illud autem in primis curavit, ne gesta ejusdem Synodi tam properè publicarentur, nevè Romam ad Innocentium transmitterentur, Quarē Augustinus novas hasce Hæresiarchæ versutias increpans: *Et tamen*, inquit, *Epistola carnalis venuſitatis, & elationis volat, & geſtorum tarditate procurat̄ celeritate p̄cedens in manis hominum p̄volat.* Lib. de Geſt. Pel. cap. 30. Cū verò ab uno sibi Augustino timeret, cuius vim in quatuor contrā se editis libris nimium expertus erat, brevissimum quidem suę defensionis Synodo approbatę exemplum per ci- vem Hippōnensem ad eundem Antīlitem transmisit.

At Hæresiarcha illā victoriā tumidus universum in Hieronymum amarulentī animi virus evomuit ſtylo, gladioque eundem perſecutus. Quidam perditorum cuneus Hæretico impensis favens religiosos viros, ac ſeminas, quarum curam Hieronymus gerebat, aggressus Diaconum interemit, facibusque admotis Monasteria incendit. Hieronymus, ut ait Augustinus in fine libri de Geſtis Pelagii, vix in turrim munitiorem arreptā fugā vita consuluit. Ob hæc acriter negligentia, vel conniventia Joannes Hierosolymitanus ab Innocentio Pontifice reprehensus est; quæ cū laudatus Augustinus retulisset, expectandum, inquit, quid illic fratres nostri Episcopi debitis tantis malis agendum existimant, quibus eos diffinillari poſſe quis credit? Sed & scriptis in Hieronymum idem infremuit; nam libros dialogorum à Sancto Doctore scriptos editis quatuor de libero arbitrio libellis confutare conatus fuit. Hos verò libros contrā Hieronymi volumina à Pelagio editos fuſſe ex Juliani verbis colligo, qui lib. 4. Oper. Imp. cap. 87. apud Augustinum hæc habet: *Verum illi operi à Catholico viro, Pelagio, qui p̄ſatus fuerat, obviatum est.* At nullum aliud opus à Pelagio postea scriptum fuſſe, testis est Sanctus Augustinus in Libro de Gratia Christi à cap. 35. & seqq. De his quoque libris scribit Innocentio Idem Pelagius: *Legant etiam recens meum opusculum, quod pro libero nuper arbitrio edere compulſi sumus, & agnoscant, quām iniquē nos negatione gratiae infamare gestierint.* Apud Augustinum ibid. cap. 41. Hos verò libros editos post Synodum Dioſpolitanam, nemp̄ hoc anno 416. testatur Sanctus Augustinus hæc ſcribens lib. de Pecc. orig. cap. 14. *In eisdem quippe libris & contrā peccati ex Adam in parvulos transitum loquitur, & de geſtis Palæstine Synodi gloriatur, ubi eos, qui ſic tenent, veraciter damnasse putatus est, & abſolutionem ſuam fallendo furatus est.*

Sed novus ex Asia Pelagianus nos in Ciliciam vocat; interim Orosio Sancti Stephani reliquias ex Asia in Africam deferente, de quo paulo post iterum sermo redibit.

## CAPUT IX.

Theodorus Episcopus Mopsuestia pro Pelagio contrā Hieronymi Dialogos ſcribit. Ejusdem librorum fragmenta contrā Augustinum pro originali peccato eliminando ex Codice MS. Vaticano referuntur.

**N**ovum Pelagianum exhibeo, & eum quidem, cui ob ſacræ, ac profanæ eruditioſis copiam cæteri Pelagiani ſuperborum ingeniorum fasces submittant, immo nec eadē cum illo die nominentur. Florebat tunc in Oriente Theodorus Episcopus, quem universi illius ætatis Patres ob eximiam doctrinæ ſamam veluti oraculum ſuſpiciebant, qui cū vivens acerrimè Pelagianos defenderit, ac mortuus graves poſtea turbas Ecclesiæ dederit, ut altero volumine dicturi ſumus, paucis hic nobis describendus venit, cū p̄ſertim Baronius, Jansenius, Vossius, Uſſerius, & alii, qui Pelagianarum rerum Historiam diligenter concinnarunt, insignem hunc Pelagianum non cognoverint, quodve magis mirum videtur, nec ipfe Photius rei totius ſcriptor id obſer- vaverit. Patria illi ſuit Antiochia; etenim in Synodo Mopsuestiā anno 550. iuſſu Justiniani Imperatoris celebratā, ut refertur Collat. 5. Synodi V. cum ſeniores quique interrogarentur, num Theodori Episcopi nomen ſacris diptychis insertum quandoque legiſtent, respondit Anatholius principalis: *Theodorum veterem Antiochenum noſtræ civitatis Episcopum neſcio in ſacris diptychis recitari.* Una cum Joanne Chrysostomo Libanii celeberrimi apud Antiochenos ſophiſtæ, atque Andragathii Philoſophi auditor fuit. Dein fo- renſes cauſas aggressus verba clientibus vendidit, ac tribunalibus inſervivit. Cū verò Chrysostomus foro relicto Monachum induiſſet, hoc ipsum Theodo- rō ſuprā cæteros amicissimo perſuasit. Erat Theodo- rō, inquit Sozomenus lib. 8. cap. 2. & ſacrorum librorum, & aliarum disciplinarum, Rhetorum, ac Philoſophorum ſufficienter gnuſas. & initio quidem, ubi inci- diſſet in divinas leges, & cum ſacris viris conveſaretur, illud viue genus approbavit, & urbicam conveſationem dannavit. Verum paulo post monaſtiča disciplina pertuſus urbem, ac forum repetit, & ſolitariae vitæ oſor nuptias apparavit. At Jonnnes Chrysostomus hiſ probè cognitis Epistolam ad Theodorum miſit, & phraſi, & ſenſibus diuiniorem, quām mens humana capere queat, quā ille lecta reſipuit, ac ruerū relittis fa- cultatibus, & abdicatis nuptiis, confiliis Joannis aequies- cendo ſervatus eſt, & ad philoſophicam vitam reverſus: Verba ſunt laudati Sozomeni. His similia recitat etiā Socrates lib. 6. c. 3. Qui narrant, Theodorum ad meliorem frugem reverſum Carterio, ac Diodoro Magiſtris ſacrarum literarum ſcientiam brevi ita aſ- fecutum, ut universos in ſui admirationem traxerit.

Diodorus interim ad Tarsensem Ecclesiam in Ci- licia evedus fuit, qui anno 381. Synodum Conſtan- tinopolitanam ſubſcripsit, itemque Antiochenam ſub Meletio, ut patet ex literis Damasi ab Holſtenio collectis, & ab Eminentissimo Francisco Barberino ſacra eruditioſis ſtudiosiſſimo Principe publicatis. Mortuo Olympio Episcopo Mopsuestiæ, qui una cum Diodoro Concilio laudato apud regiam Urbem